



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm IV. Dilecti.

[urn:nbn:de:hbz:466:1-62559](#)

nomine clericī, ad quem ius radicale pertinet. At verò maritus fructus dotis percipit & administrat nomine, ac loco vxoris suæ: quare inconueniens videtur, vt decimæ clericales marito in dotem dentur, sicuti Ioan. Andr. hic notat n. 6.

3. NOTANDVM II. Ecclesiæ succurrendum est non tantum si timeatur grauamen de præsente, sed etiam si in futurum. Exemplum affert Abb. hic num. 4. Ecclesia fundum pro iusta pensione locauit alicui potenti, à quo probabiliter timetur; futuro tempore pensionis solutionem difficile impletari posse; videtur illi concedenda restitutio in integrum, propter dictum periculum,

CAPITVLVM IV.

Dilecti,

PARAPHRASIS

Inter Abbatem & Conuentum Ordinis Cisterciensis, atque Hospitalarios contoversia erat de ysu cuiusdam nemoris: Compromissum fuit à partibus in Regionem Galliarum. Ea intellectis causæ meritis, arbitrium seu laudum, adhibito Episcoporum quorundam consilio, pronuntiauit. Sed Hospitalarij putarunt sibi obseruandum non esse; eo quod fœmina arbitrium dicere non possit. Ad hoc respondit Innoc. III. Licet fœminæ secundum iura à publicis munib⁹ remota sint; & in l. vlt. C. de arbitris specialiter caueatur, vt mulieres, quantumcunque præcellentes aut sapientes sint, arbitrium dicere nō possint; & adeò quidem, vt neque liberti, si in patronam sub pœna stipulatione promiserint, arbitrium seruare, aut pœnam soluere teneantur; Quia tamen iuxta approbatam consuetudinem, quæ in partibus Gallicanis pro lege obseruatur, fœminæ præcellentes in suos subditos iurisdictionem exercent; ideo Hospitalarios cogendos esse, vt dictum arbitrium, præsertim cum Episcoporum eosilio, prouide latum obseruent, sub pœ-

na in compromisso permutuum consensum constituta.

S Y M M A R I V M .

1. Fœmine ab omnibus officiis ciuilibus ac publicis remota sunt; nisi uideas iure proprio pertineat regnum, ducatus, autocomitus; aut per consuetudinem regionis ob coniunctionem cum rege audice iurisdictionem aliquam ab ipso participant, vt iudicare possint.
2. De communi iure fœmina non potest dicere arbitrium; potest tamen in eam compromitti, vt arbitratrix sit in aliquo v.g. contractu, vel controversiam amicabiliter componat.
3. Pactum iuratum, quod duo velintflare arbitrio fœminæ ligat.
4. Clerici, & Ecclesiastarum Rectores in causis temporalibus possunt validè compromittere in laicūm, apposita etiam pœna.

N OTANDVM I. Fœminæ ab omnibus officiis ciuilibus, ac publicis remota sunt: quare nec iudices esse possunt, nec magistratum gerere, nec pro alio in iudicio postulare, nec procuratores existere, vti habetur reg. 2. ff.

Excipitur primò: Si ad mulierem iure proprio, v.g. hæreditario, pertineat regnum, ducatus, aut comitus; tum iurisdictionem ipsam spectato communi iure, exercere potest, sicut hic docet Innoc. n. 1. & constat ex ijs, qua dixi lib. I. tr. 4. c. 8. n. 4. & 5.

Excipitur secundò: Nisi conuenienter regionis obtinuerit, vt mulieres præcellentes, ob coniunctionem cum marito Rege, aut Duce, non tantum dignitatem, sed etiam iurisdictionem aliquam ab ipso participant, ita vt inter suos iudicare possint.

NOTANDVM II. Cum fœmina secundum leges communes iudicis officio fungi non possit, sequitur quod nec arbitrium dicere possit: quandoquidem arbitria ad iudiciorum similitudinem redacta sunt, l. 1. ff. de arbitris. Et vice versa, si fœminæ secundum regionis consuetudinem, aut alio iure liceat

liceat iudicare, consequenter etiam arbitrii. Ex quo colligit Abb. hic n. 5. quod consuetudo prescripta extendi debeat de casu ad casum, omnimodè secundum iura æquiparatum, sicuti in simili dixi in c. bonæ, 4. de postul. Prælatorum.

Veruntamen licet mulier spectato communiure, non possit dicere arbitrium, quippe quod veluti ius facit; & sententiæ iudicialeis auctoritatem habet, potest tamen in mulierem compromitti, vt in aliquo contradicte arbitratrix sit, vel in controversia amicabiliter componat: cum tale arbitramentum, vel compotitio extrajudicialeis censeatur, neque secundum iuris terminos fieri debat.

Quæritur hic: Si partes cum iuramento consenserint in mulierem, quod eius arbitrio stare velint, utrum ad hoc obligentur. Negat hic Abb. n. 2. Cum enim potestas, & officium arbitrii inter ciuilia & publica numeretur, non potest à partibus conferri mulieri, quæ secundum iura incapax est: quandoquidem priuatorum pactis non potest iuri publico derogari, c. si diligenti, 12. de foro competit. Sed placet magis, quod tradit hic Berouis n. 6. Licet arbitrium obseruandum non sit ex vi sententiæ, tanquam habentis auctoritatē iuris, sicuti recte ostensum fuit, & colligitur etiam ex l. 3. ff. de iurisdict. omnium Iudicium, nihilominus obseruandum esse ex vi pacti iurati: cum tale pactum, quod duo velint stare arbitrio fœminæ, non sit contra bonos mores naturales, siue non contineat peccatum, iuxta ea quæ dixi lib. 4. tr. 3. c. 6. allert. 6. Videri potest Gl. in l. 2. ver. non fuit, C. Communia utriusque iudicij.

NOTANDVM III. Clerici, & Ecclesiæ Rectores in causis temporalibus compromittere possunt in laicum, apposita etiam pena. Qua de re infra.

CAPITVLVM V.

Cum tempore.

P A R A P H R A S I S.

Ortis controversiis inter Abbatem de Pigravia ex una parte, & Episcopum Mer-

spergensem, & disti Abbatis Monachos quodam ex altera parte, super ijs, fide in uicem data, à partibus compromissum fuit in Archiepiscopum Magdeburgensem, tanquam arbitrum: Quare præcipit Innoc. III. vt arbitrium seu laudum Archiepiscopi obseruetur, ijs exceptis capitulis, quæ contra libertatem, & exemptionem Monasterij, ac capellarum eius in arbitrio expressa fuerunt. Nam tametsi Abbas ultero vellet, tamen nequam posset absque Romani Pontificis licentia renuntiare priuilegijs ac indulgentijs, quibus indicatur Monasterium illud ad ius & proprietatem Ecclesiæ Romanæ pertinere.

S V M M A R I V M.

1. *Laudum irritum quoad aliqua capitula, potest quoad alia esse validum.*
2. *Ecclesia exempta, & Sedi Apostolice immediate subiecta, priuilegijs suis absque Pontificis auctoritate renunciare non potest.*
3. *Definiri potest per arbitros controversia de capella seu parochia, utrum pleno iure incorporata & subiecta sit Monasterio.*
4. *Qui rem alienare, aut iuri suo renunciare non possunt, si nec compromittere possunt.*

NOTANDVM I. Si laudum dictum super pluribus capitulis, quoad unum capitulum rescindi, aut iure ipso irritum iudicari debeat, ratum tamen manere debet quoad alia capitula, si inter se connexa non sint, sed independentia, iuxta iuris reg. 37. in 6. *Vtile per inutile non viriatur;* dummodò vtile ab inutili separari possit. Et idem est in sententia Iudicis super pluribus articulis, vt si contra unum articulum Minor v.g. restituendus sit, rescissa sententia quoad eum articulum, firma tamen maneat quoad alia non cohaerentia. Letiam, 22. §. ex causa, ff. de Minoribus.

NOTANDVM II. Ecclesia exempta, & Sedi Apostolicae immediate subiecta priuilegijs suis absque Romani Pontificis auctoritate renunciare non possunt, si nec compromittere possunt.

Ooooo ritace